

Makxkatsinina'

Tamakatsinin xla Naciones Unidas xla Lakgchanat xlakán Tachixkuwit Matakuxtunanín wakg xamagkas taggantaxtun, nemá tsukunit akxni xtlawamacha' kata' 1970, akxni Talilakyawan xla Taliskgalalh xla Talilakgmaqan xawa Talikgawat xlakán Taktsuwit, xla Consejo Económico xawa talichixkú, xalimakwa kilhwakat xla Organización xla Naciones Unidas (ONU), lichiwinalh katlawaka akgtúm taputsán ixlatamatkán tachixkuwit matakuxtunanín xala nak kakilhtamakú.

Xakgantaxtun ja'e taskujut, lilakgapaska Tamakatsín Martínez Cobo, makamastaka nak talilakyawan akxni ixtlawama kata' 1981 chu 1984, ana' lilakchiwinanka kamalakatsukika "Putúm Taskujut xla Tachixkuwit Matakuxtunanín", talitayalh xalagkskagalalán tachixkuwit, lata' tsukulh 1982 likatsika la ixlikilhwakat. Kata' 1985, amá Putúm Taskujut matsukilh xatalakgatsokgni akgtúm Litaskujni xla Tamakatsinin, nemá akxni lakgólh matlanilh amá Talilakyawan kata' 1994, xlakatín Talilakyawan xla Lakgchanat Tachixkuwit xla ONU.

Xlikata', amá Talilakyawan, la litanú lakgtsuntintatsokgni 5 xla talakkaxlat 49/214 xla Limakxtum Tamakxtumit, xla 23 xpapa' diciembre kata' 1994, malakatsukika "Putúm Taskujut makgatunu makxtumit xla Litaskujni Tamakatsinin xla Naciones Unidas xlakán Lakgchanat, xlakán Tachixkuwit Matakuxtunanín", nemá makatilh taskujut nemá ixkaxtlawanita' Talilakyawan, tamaknunilh talakchiwinat xla xatapuwán, xla Tamakatsinin. Litaxtuyacha' ixtaskujutkán xlakata xlawankú nak pulakchiwin xla talakchiwinat xla Naciones Unidas, tamakgpakgtanulh, xa'akpuxkunín tachixkuwit matakuxtunanín tatamakxtuminit nak ixtukuwini' "Cónclave xla Matakuxtunanín".

Lata' ixlimakgwawitu tamakxtumit xla Putúm Taskujut, kgálhspuuti kata' 2006, talakkapsnat nikuma makamastaka piwa ja'e kata', nak Consejo xla Lakgchanat Tachixkuwit, nak Ixlawán Tamakxtumit, nemá malakapiksilh nak talakkaxlat 2006/2, xla 29 ixpapa' junio kata 2006, malakgachaka xlakata anataya' chi namakanajlikán nak Limakxtum Tamakxtumit xla Naciones Unidas.

Awataya' lata' chi makgapalalh alh liwaka' akgpuxúm kata', Tamakatsinin xla Naciones Unidas xla Lakgchanat xlakán Tachixkuwit Matakuxtunanín akxni malakapikska, xlikgalhikututu' xpapa' septiembre kata' 2007, xpalakata Putúm Tamakxtumit, nak ixtutunpuxám Tamakxtumit.

México matlanilh Tamakatsin, lata' alh kilhtamakú nemá titsukulh kata' 1985, kanixniwá lakalh kayawaka ixpalakata lata' kaniwankgólh, lata' malakapiksílh Putúm Tamakxtumit.

Akgtúm tamakatsinin neje tsukuyacha' nak akgtúm xlimakxtumilitilanka kakilhtamakú, la amá ONU, nemá awatayá tlan litaxtuyacha' liwakg, akgtúm limakuan nemá makgantaxtiputuná, nemá laklhalín ana' niku anputún Putunu' nikuma talakkaxtlanít nalipakgán lakgchanat ixlitilanka kakilhtamakú.

Amá tamakatsinin ni tamakanajlit li'akxilha' xla Pulatamat nikuma tamakgpakgtanulh nak xatatsokgni, wi talakaskín tamalakpuwan xla xatapuwán.

Chuna', Tamakatsinin xla Naciones Unidas xlakán Lakgchanat xla Tachixkuwit Matakuxtunanín kgalhí liwaj xataskinín limakuat xlakata namatliwakglha limakuan ixlitolanka kakilhtamakú nemá lichiwínán ixlakgchanat tachixkuwit, wa' chi limakamaja' limakanajlit xawa talichixkuwit xla tachixkuwit matakuxtunanín xalak kakilhtamakú.

Lilatamatkán lakgchanat nemá lichiwínán nak Tamakatsinin kitaxtú natsakgsayá akxtúm tiku makgpakgtanunitáw ixlitolanka kakilhtamakú.

Nak México, nak ixpulakni xla Talilakyawan Lilakgatúm xla Litatlanit xlakán Tachixkuwit Matakuxtunanín (CDI), lipuwankanít tu xlawán litlawat la tlan namaklakaskinkán Tamakatsinin xla Naciones Unidas xlakán Lakgchanat xlakán Tachixkuwit Matakuxtunanín, wa' amá xatakpuntumit xla tapuwán. Wa' xlakata, ixlitakpuntumit lakpuwankanít liwaj taskinima.

Xatamalhuwit xatatsokgni, nachuna' la walinít ixtachiwín akxni chiwinalh xpalakata ixtukuwini' México akxni mastalh ixlilakalh kayawan xpalakata xla Tamakatsinin, ixlikgalhkututu xpapa' septiembre kata' 2007, wa' lichiwínán.

Akxni' wa' ja'e takgputumit, Xapuxku Mapakgsina' xalak México laktuyulhkayawa ixlimakanajlit ja'e limakuan xla ixlitolanka kakilhtamakú, nemá nakamakxtukú ixlitachixkuwit matakuxtunanín.

Luis H. Álvarez Álvarez
Director General de la
Comisión Nacional para el Desarrollo de los Pueblos Indígenas